

# PETRARCO

## *Pèr Madono Lauro*

### PRESENTACIOUN

Petrarco mouriguè à setanto an, en 1374, à Arquà, en Loumbardio. Lou cinquen centenari de sa mort fuguè marca, en 1874, à-z-Ais, pèr de fèsto italo-prouvençalo. Lou menistre italian Comm. Nigra ié larguè uno dicho que si resson res lis esperavo. Lou Felibrige, alor, avié vint an; l'Itàli, desempièi tres an, avié acaba soun unita emé la counquisto de Roumo; d'aqui, uno tensioun poulitico entre Itàli e Franço. Mai, bono-di Petrarco, e lou menistre italian, e li Felibre, e la Pouèsio, la tensioun franco-italiano calè e la rèndo gagnè un franc en Bourso.

L'an 1974 marcara lou sieisen centenari de la mort de Petrarco. Cresèn pas que i'ague de fèsto, mai l'Astrado a vougu que la tradicioun se perdegùesse pas. Ansin, avèn revira quàuqui sounet dóu Canzoniere .

Tóuti, en Prouvènço, counaissèn e aman Petrarco. Pamens, nous sémblo pas de trop de retresca quàuqui souveni.

Francesco Petrarco nasquè en 1304 à Arezzo, en Touscano. Soun paire, noutari à Flourènço e Guelfe Blanc, fugué bandi de la Republico après la vitòri di Negre dóu Partit ous li Blanc, emé l'ajudo de la cavaliarié dóu fraire de Felip lou Bèu.

Lou paire se recatè en Arezzo, piei jujè meior d'intra en Prouvènço. L'an 1311 s'acabavo quouro arribé à Carpentras e ié plantè caviho emé sa mouié e soun drole Francés qu'avié vuech an.

Aqui, lou jouine Petrarco tournè prendre si proumiés estùdi souto lou gouvèr d'un mèstre italian. Quand aguè agu quinge an, soun paire 10N mandè à Mount-Pelié pèr estudia lou dre, emai agradèsse gaire au jouvènt qu'èro pourta vers li Letro; e de Mount-Pelié à Bologna.

E lou tèms passavo. Soun paire e sa maire mouriguèron. Francés s'entournè en Avignoun ounte lou Cardinau Jan Colonna lou recatè, lou fagué prouvesi d'un bon canounicat e de cargo publico.

A parti d'aqui, lou jouine Francés pousquè treva la jouventu daurado avignounenco e s'adouna à la pouèsio..

En 1337, las qu'èro de l'espetacle que baiavon li mour de la Cour papalo, laisso Avignoun e vèn planta bourdoun à Vau-Cluso d'ouate sourtira qu'en 1353 pèr rintra en Itàli.

Fai dès an que counèis e amo Lauro. Sa carriero pouëtico lou meno à Roumo en 1341 pèr reçaupre la courouno di pouèto.

En 1353, quito Vau-Cluso e lou Coumtat pèr sèmpre.